



Tužilaštvo - Tužiteljstvo Bosne i Hercegovine
Тужилаштво Босне и Херцеговине

Posebni odjel za ratne zločine
Broj: T20 0 KTRZ 0021303 21
Sarajevo, 29.06.2022. godine

SUD BOSNE I HERCEGOVINE
Sudiji za prethodno saslušanje
Na broj: S1 1 K 042858 22 Krn

Na osnovu odredbi člana 35. stav 2. tačka i), člana 226. stav 1. i člana 227. Zakona o krivičnom postupku Bosne i Hercegovine (u daljem tekstu: ZKP BiH), p o d i ž e m

OPTUŽNICU

Protiv:

BJELOŠEVIĆ ANDRIJE, [REDACTED], rodenog
[REDACTED] 1954. godine u mjestu Gornji Detlak, opština Derventa, [REDACTED]

[REDACTED] državljanina BiH i Republike Srbije, [REDACTED]

Što je:

U vremenskom periodu od druge polovine mjeseca maja 1992. godine do kraja mjeseca juna 1993. godine u Derventi, opština Derventa, za vrijeme rata i oružanog sukoba u Bosni i Hercegovini (BiH) između Vojske Srpske Republike Bosne i Hercegovine, kasnije Republike Srpske, i Armije Republike Bosne i Hercegovine, u svojstvu načelnika Centra službe bezbjednosti Doboj, Ministarstva za unutrašnje poslove (MUP) Srpske Republike BiH, kasnije MUP Republike Srpske, člana u Štabu MUP-a Srpske Republike BiH za rukovođenje i komandovanje ukupnim snagama MUP-a i člana Ratnog štaba u sklopu Kriznog štaba „Srpske opštine Doboj“, postupao suprotno pravilima Međunarodnog humanitarnog prava kršeći odredbe člana 3. stav 1. tačka a) i c) i člana 27. Četvrte Ženevske konvencije o zaštiti civilnih lica za vrijeme rata od 12. avgusta 1949. godine, koje odredbe posebno štite žene protiv svakog napada na njihovu čast, a naročito protiv silovanja i protiv svakog napada na njihovu stidljivost, u najmanje četiri navrata prisiljavao civila ženskog pola bošnjačke nacionalnosti [REDACTED] upotrebom sile i prijetnjom direktnim napadom na njezin život i tijelo, na seksualni odnos (silovanje), usljed čega je duševno stanje [REDACTED] poremećeno u visokom intenzitetu, a priroda tog poremećaja se ogleda u trajnim promjenama u njenoj ličnosti koje su nastale kao posljedica posttraumatskog stresnog poremećaja u komorbiditetu sa kontinuiranim depresivnim raspljoženjem, pa je tako:

Nakon što se [REDACTED] po naredbi predstavnika Civilne zaštite u Derventi javila u porodični objekat – kuću u sklopu koje se nalazio i ugostiteljski objekat poznatiji pod nazivom [REDACTED] gdje joj se [REDACTED] lice [REDACTED] predstavio kao nadređeni, te joj se obratio riječima: „Dobro nam došla, evo još jedne konobarice, k..., ustašice, vi ni za šta drugo i ne služite nego da budete naše k... i konobarice“, i istovremeno pomenutu napao udarivši je pesnicom u predjelu glave i drškom pištolja, kojeg je držao u ruci u predjelu nosa, nanijevši joj tako povrede, a potom joj naredio da u [REDACTED] mora dolaziti i javljati se svako jutro, ostajati po potrebi i do noćnih sati, [REDACTED], posluživati hranom i pićem goste objekta koji su imali pristup u isti, koji gosti su većinom bili predstavnici i pripadnici civilne i vojne vlasti sa područja opština Derventa i Doboj, koje usluge posluživanja su u više navrata po naredbi morale obavljati polunage, samo u donjem vešu na sebi, a zatim obavljati razne fizičke poslove u i van objekta, ali i raditi sve ono što joj [REDACTED], Bjelošević Andrija i njoj drugi nepoznati nadređeni naredbe, što su „[REDACTED] zbog straha za svoje živote i činile, pa su tako [REDACTED] i drugi gosti u više navrata fizički napadali i silovali [REDACTED] kojom prilikom je u vremenu od druge polovine mjeseca maja 1992. godine pa do kraja mjeseca juna 1993. godine u objekat „[REDACTED] dolazio i pomenuti Bjelošević Andrija, naoružan pištoljem, kojom prilikom su „[REDACTED] i njoj druge nadređene nepoznate osobe naredili [REDACTED] da mora slušati sve što joj Bjelošević Andrija naredi, a za kojeg je naknadno saznala da je „neka važna ličnost, koja obavlja neku veliku funkciju u Doboju, da je organizovala rad žena u „[REDACTED] i da po njegovim naredbama svi prisutni u [REDACTED] moraju postupati“, pa je tako u navedenom periodu Bjelošević Andrija u najmanje četiri navrata naredio [REDACTED] da sa njim pođe u sobu koja se nalazi na spratu objekta [REDACTED] zatim da sa sebe skine svu odjeću i legne na krevet, što je [REDACTED] zbog straha za svoj život i učinila, nakon čega je Bjelošević Andrija mimo njene volje [REDACTED] silovao, kojom prilikom je [REDACTED] zbog straha za svoj život i straha prema Bjelošević Andriji, kao i zbog toga

što je prethodno od strane nepoznatih lica u više navrata silovana i fizički napadana u i van objekta u Derventi, bila u potpunosti onemogućena da pruži bilo kakav otpor Bjelošević Andriji,

dakle, za vrijeme rata i oružanog sukoba u BiH između vojske RS i Armije RBiH kršeći pravila Međunarodnog humanitarnog prava i to odredbe člana 3. stav 1. tačka a) i c) i člana 27. Četvrte Ženevske konvencije o zaštiti civilnih lica za vrijeme rata od 12. avgusta 1949. godine, koje odredbe posebno štite žene protiv svakog napada na njihovu čast, a naročito protiv silovanja i protiv svakog napada na njihovu stidljivost, u više navrata počinio silovanje civila ženskog pola bošnjačke nacionalnosti,

čime je počinio krivično djelo Ratni zločin protiv civilnog stanovništva iz člana 142. stav 1. Krivičnog zakona Socijalističke Federativne Republike Jugoslavije (KZ SFRJ).

TUŽILAŠTVO-TUŽITELJSTVO BiH
Tužilac